

Rudnik soli „TUZLA“ d.d. Tuzla
- U P R A V A D R U Š T V A -
Broj: 02-05/20-10
Datum:03.01.2020. godine

Na osnovu odredbe člana 129. i člana 135. Statuta Rudnika soli „TUZLA“ d.d. Tuzla, broj:02-01/16-2958 od 29.08.2016. godine, Uprava Društva na sjednici koja je održana dana 03.01.2020. godine donosi:

ODLUKU
o poništenju Javnog oglasa za prijem u radni odnos

I

Poništava se Odluka o potrebi prijema u radni odnos, broj: 02-05/19-3898 od 03.12.2019. godine, donesena na sjednici Uprave Društva koja je održana dana 02.12.2019. godine.

II

Poništenjem Odluke iz tačke I, poništava se u cijelosti Javni oglas za prijem u radni odnos objavljen u dnevnom listu „Dnevni avaz“ dana 12.12.2019. godine, zatim dostavljen JU Služba za zapošljavanje TK dana 12.12.2019. godine, te objavljen na web stranici Društva istog dana.

III

Razlog za poništenje Javnog oglasa iz tačke I ove Odluke je nepoštivanje obaveze, odnosno neprovođenje propisane procedure unutrašnje preraspodjele odgovarajućeg radnika unutar Društva, a utvrđene članom 4. stav (3) i (4) Priloga 3. - Drugih izmjena i dopuna Pravilnika o radu, broj: 02-02/19-2558 od 19.07.2019. godine.

IV

Nalaže se Službi za kadrovske poslove da izvrši povrat svih zaprimljenih prijava na predmetni Javni oglas.

V

Odluka stupa na snagu danom donošenja.

Obrazloženje

Shodno članu 12. stav (2) Općeg dijela Pravilnika o radu Rudnika soli „TUZLA“ d.d. Tuzla, broj: 02-02/17-1234 od 31.03.2017. godine, a zbog ukazane potrebe podneseni su Zahtjevi za prijem radne snage i to: Zahtjev, broj: 02-05/19-3602 od 04.11.2019. godine, podnesen od strane Izvršnog Direktora za tehničke poslove, Zahtjev, broj: 02-05/19-3596 od 04.11.2019. godine podnesen od strane neposrednog rukovodioca Službe za kontrolu tehnološkog procesa, geofizička mjerenja i investiciono-građevinske poslove i Zahtjev, broj: 02-05/19-3541 od 30.10.2019. godine, podnesen od strane Izvršnog Direktora za ekonomsko-finansijske i komercijalne poslove.

Postupajući po Zaključku Vlade TK, dana 06.11.2019. godine Ministarstvu privrede, podnesen je Zahtjev za davanje saglasnosti za prijem u radni odnos putem Javnog oglašavanja za radna mjesta navedena u gore citiranim zahtjevima, te je Ministarstvo svojim Aktom, broj: 03/1-34-022959/19 od 19.11.2019. godine, dostavilo Saglasnost za prijem za radna mjesta i na period naveden u tački I ove Odluke.

Dalje, članom 4. stav (4) Priloga 3. - Postupak prijema u radni odnos putem javnog oglašavanja Drugih izmjena i dopuna Pravilnika o radu, broj: 02-02/19-2558 od 19.07.2019. godine, propisano je da na sjednici Uprave Društva na kojoj se razmatraju dostavljeni zahtjevi, ukoliko isti sadrže izjašnjenja o neuspjelom pokušaju preraspodjele odgovarajućeg radnika unutar Društva, Uprava donosi Odluku o potrebi prijema u radni odnos.

Postupajući po navedenom, dana 03.12.2019. godine, donesena je Odluka o potrebi prijema u radni odnos, broj: 02-05/19-3898, a kojom Odlukom je utvrđen prijem na radna mjesta kako slijedi:

A. na neodređeno vrijeme za:

1. Inženjer za geofizička mjerenja i kontrolu procesa, 1 izvršilac

B. na određeno vrijeme, odnosno 12 mjeseci za:

1. Inženjer za mašinske poslove, 1 izvršilac,
2. Smjenski tehničar za proizvodnju slane vode, 3 izvršioca,
3. Radnik za tehnološko servisiranje i održavanje bušotina, 1 izvršilac,
4. Vozač i rukovaoc građevinskih mašina, 1 izvršilac
5. Rukovaoc pumpnih postrojenja PS Kosački potok, 1 izvršilac,
6. Smjenski bravar, 1 izvršilac,
7. Zavarivač, 1 izvršilac,
8. Radnik na održavanju, 2 izvršioca.

Nakon donošenja gore navedene Odluke, Komisija imenovana Odlukom, broj:02-05/19-3897 od 03.12.2019. godine, sačinila je prijedlog teksta Javnog oglasa, te isti Dopisom, broj: 03b-05/19-3936, dostavila Upravi Društva na konačno odlučivanje.

Usvajanjem prijedloga teksta Javnog oglasa isti je objavljen u dnevnom listu „Dnevni avaz” dana 12.12.2019. godine, te istog dana na stranici JU Službe za zapošljavanje TK i web stranici Društva.

Međutim, donošenjem Odluke o potrebi prijema, dostavljane su žalbe i urgencije od strane radnika, da prilikom donošenja iste, nije ispoštovanja odredba člana 4. stav (3) i (4) Priloga 3. - Drugih izmjena i dopuna Pravilnika o radu, broj: 02-02/19-2558 od 19.07.2019. godine, odnosno nije ispitana mogućnost unutrašnje preraspodjele radnika, kao i da nisu konsultovani rukovodioci službi o mogućem unutrašnjem prerasporedu. Izvršenim uvidom u Izvod iz Zapisnika sa sjednice Uprave Društva koja je održana dana 02.12.2019. godine, konstatovano je da Izvršni Direktor za tehničke poslove Fejzić Suad, dipl.ing.rud izjavio da ne postoji mogućnost unutrašnjeg prerasporeda, a što je navedeno u dopisima rukovodilaca.

Dalje, izvršenim uvidom u Zahtjev za prijem u radni odnos, broj: 02-05/19-3602 od 04.11.2019. godine, konstatovano je da isti podnesen od strane Izvršnog Direktora za tehničke poslove Fejzić Suada, dipl.ing.rud pri čemu je navedeno da ne postoji mogućnost unutrašnjeg prerasporeda, iako su tabelarni pregledi sa kvalifikacijama već zaposlenih radnika unutar Društva dostavljeni imenovanom dana 05.11.2019. godine. Iz navedenog slijedi da nije cijjenjena odredba člana 4. stav (3) i (4), jer je izjašnjenje dato prije dostavljanja tabelarnog pregleda od strane Službe za kadrovske poslove.

Također, mogućnost unutrašnje preraspodjele nije usaglašena sa rukovodiocima službi, obzirom da unutar Društva postoje radnici koji ispunjavaju uslove da budu preraspoređeni na neka od radnih mjesta za koja je donesena Odluka o potrebi prijema.

Uzimajući u obzir navedeno proizilazi da je Odluka o potrebi prijema donesena suprotno odredbama Pravilnika o radu Društva, odnosno da formalno pravno nije ispoštovana propisana procedura, niti objektivno ispitana mogućnost prerasporeda postojećih radnika unutar Društva, iz kojeg razloga je predmetna Odluka ništavna, čime ništavnim čini sve pravne posljedice proizašle iz iste.

Cijeneći sve prethodno navedene činjenice odlučeno je kao u izreci ove Odluke.

**ZA UPRAVU
v.d. DIREKTOR
dr.sc.Amir Sušić, dipl.ing.rud.**